

Gwybodaeth i Gleifion

Clinig Mynediad Cyflym

Meddyginiaeth Anadlol

Croeso i Ysbyty Gwynllyw Sant

Mae gennych apwyntiad ag un o'n Meddygon Anadlol yn ein clinig mynediad cyflym y frest. Mae hyn am fod gan eich meddyg bryderon am eich symptomau a/neu fod rhywbeth anarferol wedi'i ganfod ar y pelydr-x o'ch brest.

Cofiwch ar y cam hwn nad ydym yn siŵr a oes unrhyw beth i boeni amdano. Rydym am weld a oes problem cyn gynted â phosibl.

Mae'r clinig yn Adran Cleifion Allanol Clinig y Frest yn Ysbyty Gwynllyw Sant, Stow Hill, Casnewydd.

Mae'r daflen hon yn rhoi gwybodaeth am eich apwyntiad i glinig y frest ac am rai o'r profion y gallai fod angen eu gwneud arnoch.

Os oes angen prawf arnoch, bydd naill ai ar yr adeg hon neu mewn apwyntiad arall a gaiff ei drefnu i chi.

Er y gallech fod wedi cael pelydr-x yn ddiweddar drwy eich meddyg teulu, gallai fod angen cael un arall ar yr ymweliad hwn.

Gallai profion gwaed gael eu gwneud yn yr apwyntiad hwn hefyd.

☐ **Spirometreg (Prawf Gweithredu'r Ysgyfaint)**

Mae'r prawf hwn yn gofyn i chi chwythu'n galed i mewn i beiriant i brofi gweithrediad eich ysgyfaint a chaiff ei gynnal mewn clinig.

☐ **Sgan CT (Sgan CAT)**

Prawf ddi-boen yw hwn yn yr Adran Pelydr-X yn Ysbyty Brenhinol Gwent, sy'n debyg i belydr-x sy'n rhoi gwybodaeth fwy manwl i ni. Bydd angen i chi orwedd ar fwrdd, sy'n pasio'n araf drwy'r peiriant sganio. Gallai fod angen i chi gael y prawf hwn cyn i chi ddod i'r clinig.

☐ **Broncosgopi**

Dyma brawf lle gall y meddyg edrych y tu fewn i'ch ysgyfaint. Cewch gyffur tawelu ac anesthetig lleol. Mae'r meddyg yn rhoi telesgop bach yn eich corn gwddf. Gall gymryd sampl o feinwe (biopsi) i'w brofi. Caiff hwn ei wneud yn Ysbyty Brenhinol Gwent neu Ysbyty Nevill Hall. Nid oes angen i chi aros dros nos fel arfer.

☐ **Biopsi Ysgyfaint**

Gallai fod angen i ni gymryd sampl meinwe o'ch ysgyfaint i'w ddiagnosio. Bydd meddyg yn gwneud hyn drwy roi nodwydd bach drwy wal eich brest dan anaesthetig lleol. Mae hyn yn digwydd wrth i chi gael pelydr-x. Byddwch yn mynd i Ysbyty Brenhinol Gwent a gallai fod angen i chi aros dros nos.

Canlyniadau Prawf

Fel arfer bydd canlyniadau'r holl archwiliadau ar gael o fewn rhai wythnosau, ac ar ôl hynny byddwn yn trefnu i'ch gweld eto mewn clinig priodol.

Edrychwn ymlaen at gwrdd â chi yn eich apwyntiad. Mae angen eich cefndir meddygol llawn arnom a manylion o driniaeth rydych chi'n ei chael ar hyn o bryd, unrhyw feddyginiaeth rydych yn ei chymryd ac unrhyw alergeddau hysbys.

Byddwn yn ceisio'ch gweld gynted â phosib yn yr apwyntiad ond gall oedi ddigwydd.

Gallwch ddod â rhywun arall gyda chi i'r apwyntiad. Gall fod yn berthynas neu'n ffrind, a all eich helpu i gofio'r wybodaeth a roddodd y meddyg i chi.

Yn ystod yr apwyntiad byddwn yn rhoi amser i chi ofyn unrhyw gwestiynau i ni am beth sy'n digwydd i chi.

Yn olaf, os ydych ar unrhyw bryd yn teimlo nad ydych wedi cael digon o wybodaeth neu nad ydym yn bodloni'ch anghenion, rhowch wybod i ni.

Yn yr ysbyty hwn mae yn aml feddygon a nyrsys dan hyfforddiant yn arsylwi'r clinigau. Bydd y Meddyg yn gofyn am eich caniatâd iddynt ddod i'r apwyntiad. Os nad ydych am iddynt fod yno, rhowch wybod i ni.

Gwneir ymchwil feddygol yn yr ysbyty hwn. Caiff unrhyw ymchwil sy'n addas i chi fod yn rhan ynddi ei drafod yn eich apwyntiadau clinig.

Bwrdd Iechyd Prifysgol Aneurin Bevan

Defnyddiwch y gofod isod i ysgrifennu unrhyw gwestiynau a allai fod gennych i ni.

Manylion Cyswllt

Dr I Williamson

Meddyg Ymgynghorol Meddyginiaeth Anadlol
Rhif Ffôn:- 01633 - 238196 (Ysgrifennydd)

Dr A Ionescu a Dr Edwards

Meddygon Ymgynghorol Meddyginiaeth Anadlol
Rhif Ffôn:- 01633 - 656011 (Ysgrifennydd)

Helen Howison, Samantha Williams a Rebecca Weston-Thomas

Nyrsys Clinigol Arbenigol
Rhif Ffôn: 01633 - 656149

Staff y clinig - Sister Clare Acreman

01633 238186

Caroline Dalton

Cydlynnydd y Clinig Ysgyfaint
(Ar gyfer apwyntiadau clinig a phrofion)
Rhif Ffôn: 01633 - 656227

**"Mae'r ddogfen hon ar gael yn Saesneg/
This document is available in English**